

嘉儀

穀鄭

堂堂

集文







儀 鄭 堂 文

孔 阮
廣 元
森 敘
撰 錄

叢書集成初編

(補印本)

儀鄭堂文及其他一種

一九三九年十二月初版

一九六〇年五月補印

商務印書館出版

上海大東集成聯合印刷廠印刷

儀鄭堂文卷一

曲阜孔廣森撰 清 儀徵阮 元敍錄

孔廣森字衆仲號蕓軒孔子七十代孫居曲阜乾隆辛卯進士官翰林院檢討聰穎持達曠代逸才經史小學沈覽妙解所學在大戴禮記公羊春秋尤善屬文沈約蕭統可與共論錄儀鄭堂文二卷

武成頌

臣聞在天垂象金精耀參伐之旗惟聖憲時雷豫習行師之繇軒皇御籙先修赤水之征唐后垂裳必輯青邱之暴亦有周宣薄伐近在太原殷武哀師不踰荆楚而三年有賞易已象其成功千里來歸詩尙歌其永久方之今日靡得而言焉欽惟皇帝陛下秉武三會抗稜八表銀鑿拓地金虎開圖建木以西鑿空萬里長榆而北列旒千城象載形方規矩上黃麟之瑞銅街闢邸呼韓刑白馬之盟雲呂十旬記里之車合軌鞮胥九譯葦幣之史同文幽遐畢屆其梯杭秦遠咸歸乎幃幃而禹功不到西流自絕於朝宗梟性難馴東徙仍迷於革響乃有兩金川者鼉令游魂犬豕餘孽化殊天外犯樊塞以稽誅俗遠華中比夜郎而自大粵在卯辰之歲曾興戊己之師宥以投戈許其載木恩寬豐社未封武觀之鯨鯢榮假分符俾禦危山之魍魎而乃獍心反噬鴟義矯虔不格兩階之干自投一面之網促浸土司索諾木負阻窺覷憑遐翻覆狝蛇薦食屢及於鄰疆蠻觸爭漸連於內地釁拉土司僧格桑蚤與駝比鬪本軀生外順內違每

泄駒支之語。高巢陸制。擅詢句町之仇。議者猶以天險不可升。鞭長莫能及。轡野修戎之日。亦緩前禽。禽
 山合玉之年。非無後至。文臣臆決。請罷守於珠厓。哲后沈幾。命洗兵於玉壘。蓋以王鈇威遠。賤矢勝殘。保
 大定功。有征無戰。三辰所照。靡亭毒而或遺。九伐無私。孰僞離而必討。於是發軍城郭。簡銳徵盧。闔虎朝
 鋪。人問沈黎之罪。跼蹙夜渡。衆爭敵愾之功。師出一年。月聞三捷。僧格桑乘地而遁。小金川全境以降。然
 而虎負嵎間。因猶思鬪。鷹棲驍上。飽卽背人。此則因壘之師。所以勞其再駕。渡瀘之役。必將示以七擒者
 也。聖天子矧暑思賢。繪畫策將。重整門之命。寄專閫之司。爰以阿桂爲定西將軍。營平受律。羌罕料其成
 禽。裴相視師。淮蔡聞而悸魄。若乃隆衝蕪蕪。旗鼓堂。朔韓燕弧。韞章鷗幟。索倫獸張之卒。吉林超距之
 徒。八旗試弁之倫。六郡良家之子。彌車百雉。挾風牟以駢驅。箬矢三鏃。怯雲鷗而墜影。庚鈴制勝。九天九
 地之兵。甲帳懸符。四正四奇之陣。再平美諾。一掃荒陬。繁彼妻孥。降其部落。月氏已死。漆函傳飲器之頭。
 微側爲俘。驛騎致蠻銅之鼓。惟是逆會索諾木。連鷄失執。知必及於天誅。銜鹿已窮。猶自恃其地利。環山
 列柵。背水施礮。奮螳臂以當輪。網蝥絲而結衛。羊腸西轉。自回九折之谿。牛尾東來。未鑿五丁之路。雪凝
 陰阪。經炎夏而不消。日遠陽關。積漏天而生瘴。我師長馳渠答。直冒槍雷。指揮則屋瓦皆飛。叱咤則丸泥
 失險。危城折箸。械九設而九攻。壯士乘墉。布再懸而再斷。文淵負羽。獨進壺頭。士載裏託。親踰劍閣。遂以
 去年八月十五日。破勒烏圍。戈矛照月。鶴鷄之隊彌雄。旌旆生風。鳴鶩之聲盡亂。斯時也。天子方講蠶螭
 坳。修文虎觀。咨儒官於劉向。遣謁者於陳農。羽檄星馳。疊下五申之令。銅籤夜警。仍披二酉之編。豈非天

竇聰明。聖兼文武者。與刮耳崖者。軍道之矜喉。賊居之窟穴。地稱巖邑。山挺石林。孝子望而旋車。元侯行而東馬。六師併力。五尺略通。道古攻其東南。亞夫備其西北。九重籌筆。乃懸御於氏羌。三帥宣猷。更分功於卻范。狼狐氣肅。鸞弩先飛。箕壁星高。火輻具舉。進攻黃寺。震響其妖神。屢獲媿徒。係繫其母妹。我氣方銳。破竹無頓刀之勞。彼力益殫。敵本有丁衝之急。幕危燕散。鼎沸魚驚。方陳縛主之求。始請吠堯之罪。今年二月四日。索諾木兄弟就禽。治罔脅從。誅無填服。金城上奏。七朝達於長安。都護飛書。五日聞其吉語。葱靈執訊。露板慶成。比赤書報至之時。當翠蓋巡行之地。勛過獲嘉之改縣。事同聞喜之名鄉。皇上展謁兩陵。奏膚七廟。靈臺上祭。卽陳丹水之功。畢郢升祠。自兆素鱗之慶。善歸聖母。敬上徽音。奉慈輦以豫游。遵翁河而哀對。杏花菖葉。兼省春耕。蒨水芹宮。式迎秋駕。太山玉策。探瑞算之無疆。魯殿金絲。告武成之有截。既而赤融效職。朱陸移躡。襄墟迴訪道之興。巴徼振凱旋之旅。條侯之屯細柳。撥甲冑以來朝。耿弇之在臨淄。降乘輿而親勞。然後有事宗社。大獻誠俘。秋官請纓。夏卿執鉞。戒彼費留之賞。廣我通微之封。桓鬯青圭。來召公於漢游。葱珩赤蕃。拜方叔於新田。李霍助名。或開東第。鄂襄毛髮。並繪南宮。雅奏勤歸。軍容譁鉤。玉闔偃革。紫塞銷兵。鶴膝羊頭。仍入蘭綺之庫。龍文驥子。散歸仙掌之山。雖復金母環來。樊侯鼎出。冠軍絕幕。刻石字於狼胥。博望浮槎。控河源於牛渚。未若殊鄰稟朔。荒裔占風。寶布時供。賧錢歲納。冉驢邛笮。交輸流沫之珍奇。傑休侏儒。疊聽提官之謳詠。是則豐京王會。列三臺於陰羽之中。洛水明堂。朝九采於應門之外。不假銜鈎之后。載十一征。豈惟通譯之邊。餘四萬里。赫赫乎一人之聲靈。煌煌乎千

古之盛事。綜茲輕緯。可成五面。登三勅之簡編。將襲六而爲七者已。臣忝列鷄行。粗窺豹管。聞西戎之者。定均慶於並天。念東土之瞻光。感縈於私渥。懷深歸尹。語罄揜揚。雖不工於文章。尙慚朱鷺鏡歌之作。庶以載夫功德。亦附白狼槃木之餘。謹獻頌曰。

於鑠上聖。奄有下矩。象寄柔通。龜沙卽敍。奇幹善芳。肅慎文啓。東漸日澗。西底月戶。孰敢不庭。膏我齊斧。九姓內藩。廿年外侮。蠶讎大邦。侵擾西土。邊吏上言。宸居赫怒。秉節調牙。發璋徵琥。桓桓定西。國之疆禦。總領戎旃。師于甄部。青叟從行。白徒束伍。有戩斯鷹。其矯如虎。署道披圖。指形聚黍。裂彼右肩。斷其脣輔。爾險何依。爾遠何怙。縫革衝疆。邛籠飛炬。破易撥燧。動若摧腐。光豪帥醜。刮耳是聚。井底困蛙。穴中竄鼠。五兩振威。重山夷阻。季母旣禽。精夫亦虜。戎庭分犂。苗人安撫。紅旂之捷。奏行在所。讓德於天。告功於祖。大武承謨。達孝纘緒。吉蠲上陵。甘露有涓。瓊冊述徽。璇宮秩祐。安輦葦輿。洪臚清籟。般賚協周。祈沈觀滌。水若恬流。登祗順扈。輯瑞岱宗。陳風嫺渚。淑問西庠。祭菜東魯。展窠崇今。上儀稽古。飲至策勛。愷歌率舞。青壇三陔。緹帷重組。嘉乃職多。慰我勞苦。昔奏采薇。今歌杖杜。文相帷幄。武人樽俎。榮以旂常。申之袞黼。形繪雲臺。聲垂銅柱。天語龍髯。雲章鳳舉。紀跡峻崖。勒崇膠序。詞揜岐陽。典高岫嶽。乃闢南端。載升展寧。察采師師。徹行楚楚。右列作士。左班祈父。鱗奏靈鼗。鯨鏗猛虜。僑榮染罽。尸禺疊鼓。兩觀旣誅。重巽式溲。復稅農疇。緩租國庾。化洽橫舍。仁流圍圉。廣青衿員。敎赭衣侶。威肅春霆。澤沛夏雨。九塞清塵。四民安堵。唐平蜀道。周省淮浦。尙誦昌黎。猶詩吉甫。以今準往。瑣瑣何數。天錫皇帝。神聖文武。於千萬年。爲億兆主。

上座主桐城姚大夫書

五月十七日。領到惠製儀鄒堂記一首。如來鄒騎。方窮寶玦之繩。恐效津龍。遽化豐城之劍。雕陵顧字。澗水騰文。歡喜奉持。回還誦讀。去天三尺。未喻聲高。繞極一句。定知塵起。伏惟夫子大人。立言不朽。下筆爲經。受書於河洛之間。講學於濂伊之表。斟酌體要。二百年吏部之文。含吐風神。六一翁廬陵之集。乃若子山宮體。丁廩小文。固有類於俳優。尙恥爲於執戟。而廣森藉承談末。經示端倪。以爲湘水波瀾。稱言絕妙。春旗楊柳。無字可刪。既舉斯隅。自寬其切。遂得粗知偶事。強附駢聲。它日韓陵片石。免作驢鳴。樊南一編。積成彌祭。誰開閭介。卽被雕朽耳矣。蝸角荒廬。蛇年草創。東鄰鑿映。顧漸拙官之居。北市囂塵。差遠小人之宅。然而方纔布武。廣不由旬。在陸疑舟。有鹵似甕。雖開府小園。何嘗無賦。而長卿陋室。未必堪銘。豈意金壺副墨。石室餘縑。錫以題辭。光其窈稅。入長公別集。彌榮三槐之堂。乞退之一言。便擬雙松之舍。竊惟校漢儒林。東京尙已。稱鄉先達。北海褒然。是以小己忘涯。高山仰止。低徊哲範。若見之牆。撫擬賢容。欲圖之壁。重聞命焉。曰姑舍是。賢者識大。不當囿以專家。古之離經。非徒尋夫章句。許君謹案。何掾膏肓。難問之志。六藝之論。詎要道之微言。祇通人之鄙事。若廣森者。私淑於趙商張逸之間。激揚於賈釋孫評之後。旁要夕桀。僅取多能。舐字曲聲。惟資小學。上士勤行之道。本未朝聞。羣經淆亂之言。何曾晚定。若其溯高密之微風。追不其之逸躅。足使冀州畔援。折敬伊人。應劭宏通。願爲弟子。二千石青綬。式駟馬以旌門。百萬衆黃巾。望單車而解甲。世無孔子。當亦游夏者流。第之宋儒。不在張程以下。是則慕蘭相如之名。其去

猶遠讀臺孝威之傳。此志終狂。苟將業彼箋疏。呻其佔畢。而謂著書通德。訓詁傳於此名。寫定禮堂。祝史尊其陳數。匪直鄭公之學。謬爲聖證。詆諆抑幾董傳之徒。乃有步舒惑陋。與因荷言提。歸諸盍各。負籍無地。迪牖何年。起安石於東山。志今益遠。望義和於南陸。心與俱馳。

上父執梁山舟侍講札

仰紆椽筆。俯賜楹題。遙蒙七字之褒。愧荷百朋之錫。廣森問奇有志。驚駕十回。執轡無因。龍門萬丈。輒用裝之玳瑁。軸以琉璃。馳賞墨林。重齊執之價。懸輝翠壁。知蜀素之珍。謹謝。

與同年林編脩街署札

承惠永樂大典。護葉紙。故府珍收。前朝舊製。比澄心於宋紙。殊鏡面於吳箋。杜武庫之蜜香。初分帝賜。張茂先之側理。遂惠臣家。染墨匪輕。捧翰知重。謹謝。

謝人代撰詩札

足下才高倚馬。價重雕龍。范軸之管一雙。江淹之錦數尺。僕略解蘼吟。其如拙速。自觀藻咏。兼切欽遲。輒復乞餘潤於懸河。分末光於鑿壁。孔璋多事。亦代裁書。安國少文。居然賦几。所幸謬同瓊瑛。竊向秀之標。細猶恐易辨淄澠。愧陸機之杼軸。謹謝。

戴氏遺書總序

東原先生姓戴氏。諱震。徽州休寧人也。學於古訓。言行可法。以薦爲四庫全書纂修。賜官庶吉士。春秋五

十有五。乾隆丁酉五月二十七日疾卒。凡所著文章經義若干卷。叔父農部公先生之昏因也。綴而刊之。廣森嘗聞先生緒論。又感先生崇闡漢儒而不終其志以歿。乃爲序曰。

緬惟樂遊講藝。訪太傅於石渠。元日談經。坐侍中於重席。時則玉羊旣遠。金虎初開。著學官者凡十四家。說稽古者成數萬字。至若五是六滲之微。定君陽武。三科七缺之法。弊獄淮南。士苟通經。皆能致用。蓋原其授受。本屬參商。敍其世年。未睽昌闕。是以祖之前師。沿之後葉。北方戎馬。不能屏視月之儒。南國浮屠。不能改經天之義。夫學有優劣者。時也。經有顯晦者。數也。五君晚出。非漢博士之傳。千禩相仍。廢鄭司農之註。縱橫異說。別創先天。顛倒聖文。悉更後定。特以腐儒炫視。易謬曬黃。末士明經。原求青紫。但遵甲令。粗知帖括之詞。疇克庚言。紹彼先民之作。敏而好學。信而好古。惟於戴君見之。已君以梅姚舊僞。孔蔡謬悠。妄云壁下之書。猥有杭頭之字。古文一卷。祇出西州。小序百篇。舊名北斗。正謨攝詰。歷黃序而僅存。月采豐刑。遵赤眉而已。燼乃或謨。援伊訓。淇元年正月之疑。強執周官。推五服一朝之解。譬之爭年。鄭市本自兩非。議瓜驪山。良無一是。是用翦除假託。折衷羣淆。步驟五三。錄目四七。爲尙書義考。未成。成堯典一卷。又以要聞五際。尙論四家。毛傳孤行。是鴈源於牟妙。鄭箋破字。每毫采於轅嬰。莫不假聲注文。以意逆志。誠古訓之所式。多識之所資也。雖其篇冠以序。擇焉不精。或云託諸西河。或云造諸東海。然嗣矜貽玖。何必欲色之香。交扈羅鴛。實爲陳古之刺。爲毛鄭詩考正四卷。別爲詩補傳未成。成周南召南二卷。君之入書局也。西京客史。夙善徐生。東觀中文。遂分淹禮。乃取忠甫譏誤。德明釋文。殫求亥亥之差。期復鴻都。

之舊。互相參檢。頗有整齊。削康成長衍之條。退喪服廟經之傳。爲儀禮正誤一卷。鄭斤粵鍾之篇。備遺事職。穹蓋星弓之教。首列巾車。九經九緯。營國有方。五溝五涂。奠水有則。尋筵既度。遂知洛邑之朝。圭槩未縣。孰辨營邱之夕。以至肆懸舞雨。五等琮璜。槐里樽空。椎成劍沒。大夫嫁女之器。未必皆真。單于賄漢之銘。何嘗盡僞。譏盜之所畫績。梁聶之所更釐。不可參稽。將無競爽。爲考工記圖二卷。古者冕服以祭。弁服以朝。祭則衣純。朝則以布。芾形連帶。制異於直方。履色從裳。次分於績繡。周壇襲帝。大裘降繁露之華。魯禘嫌王。旒璪飾丹雘之祝。等威昭焉。文質備焉。道學起而儒林衰。性理興而曲臺絕。齊秦委武。莫識稱名。殷夏圖章。焉能考據。湖增冰於積水。示祭海於先河。爲學禮篇一卷。冠其文集十卷之首。且夫一陰一陽之爲道。見仁見知之爲性。通於六籍之爲學。辨於萬事之爲理。謂理具靈臺。則師智者得。謂學遺象罔。則悟寂者先。豈有略窺語錄。便謂知天。解斥陽明。卽稱希聖。信洛黨之盡善。疑孟氏之未醇。其說空空。其見小小。蓋釋鄭君生質之訓。誦周雅教木之箋。所謂受中自天。秉彝攸好。孔提可按。漢學非譌。爲原善一卷。孟子字義疏證三卷。大學中庸補註各一卷。君之學術。此其大端歟。景純有云。爾雅者。九流之津涉。六藝之鈐鍵。虎闌小學。未束髮而知書。豹鼠奇編。不下席而觀古。故辨言之樂。對於三朝。首基之文。問於五始。至於殊方別語。絕代離詞。皆轉註之指歸。亦凡將之墜緒。爲爾雅文字考十卷。方言考證十三卷。書教有六。最夥諧聲。叔重無雙。惟傳解字。若乃部分平仄。母別見溪。官家恨狹。羊戎之所自爲。天子聖哲。梁武之所不信。古人韻緩。止屬椎輪。後世音繁。實精引墨。君審其清濁。導以源流。旁通反紐。發周沈之舊聞。上協

詩騷探願江之新義。爲聲韻考四卷。聲類表十卷。

先生文集。尙有轉語二十章及六卷論三卷自序。此二種遺稿未見。

於是辨韻之餘。留觀百

氏。研音之下。雅愛三閩。以爲娥臺訪女。近窈窕之遺聲。湘水褰芳。續榛苓之逸響。叔師註而未詳。辨招附而不可核之漢志。名從主人。爲屈原賦注四卷。自疇人分散。鄒大失居。九章中落。昧商高積矩之言。八線西來。竊師氏旁要之算。而耳聽下士。穴見小儒。不知五五之闕方。輒薄九九之賤技。哨壺斗五律管徑三元。晦以之存疑。季通以之強說。未知紀步。何能讀宅柳之經。未曉倨句。何能治上輿之記。爲九章補圖一卷。原象一卷。古歷考二卷。歷問二卷。昔趙商難禮。先求五服之方。景伯受詩。卽涉七州之地。君山川能說。郡縣成圖。鄺元故籍。證其縣襪。崑渤今流。條其絡脈。爲戴氏水經註四十卷。水地記一卷。直隸河渠書六十四卷。嗚呼。君之著書。可謂博矣。君之見道。可謂深矣。向使壽之以年。行其所志。下安輪於都尉。授梯几於鴻臚。雍宮未建。命曹襄以定儀。大子將成。詔宋登而持節。雖復辨卿訟闕。公羊未必能明。子駿移書。逸禮難其置立。而太山郡將。北面稱師。上蔡通侯。西行受業。則何湯既貴。輻車方賜於五更。君上從遊。錄牒庶多於萬計。豈謂陰堂告祀。圓石鐫名。一經之寫定。無年三歲之瓊瑰已夢。清明卷佚。長封下馬之陵。通德人亡。不待嗟蛇之歲。然而太元覆瓿。終遇桓譚。都養陳謨。彌尊伏勝。鄭鄉絕學。倘千百載而重興。戴氏遺書。於十三經。其有補悲懷逝者。延佇將來。

王氏醫治序

語曰。若金在鎔。惟冶者之所鑄。貢云三品。見情之列居前。國有六工。築氏之齊執下。所以激沈清濁。甄類

苦良蓋吏之有課史之有評詩之有品書之有斷方諸大治厥義維鈞則我更生王君於是醫治之作言夫鶉居既遠蜺壽斯希四節潛乖於冥造之初六鑿相攘於徹昫之後雖復桃弧春射天札猶多荆盾秋殿孰噍詎少由是權輿百艸楛鞭奉軒后之威消息三停素女發明堂之訣入靈蘭之室卽受奇肢過長桑之舍方聞禁要冰臺三歲錐刺九名乞錄籍於開陽駐顏暉於連石是以刑臣西上降綸玉而求方世子南征解葦瑜而採藥然而青囊委蛻卷帙丙丁空晏淪湮經虛甲乙自餘楚賦鮮稱九折之良不遇涪翁孰曉六微之技昔之視垣一方見心六孔長兄察色仲子覘豪裏紺知生茲青知劇龍門濁浸回通關蟄之經驗穴澄源內合支蘭之藏豈有循難轉急握虎翻舒狀榆落而非其期非英而罔驗帷中十指曾迷婦寺之殊壺子三淵不辨權衡之氣斯診脈者失也遙傳帝問僅丸雀於茅蒐開探軍謠拯河魚於麥鞠黃環赤箭未錄桐君漆葉青氈略存樊氏而或倍偏枯之餌倖眩眩之瘳壹蝶毋以爲君謂烏頭而可帝必致以熱益熱以寒增寒心識分銖非其能事治瀾湯液去之愈遠斯處劑者失也將謂上商少羽會於六六之紀欽微加宮判於五五之性則七元詭歷執司天其可憑八路蘊深譬迎雲而未極相如瘠病非皆黜作之時杵臼瘵疴何必容平之月玉機且讀祗亦空文金匱年荒已爲陳迹循環澹素石溜仍疎俯仰鉛黃膠飴莫效斯泥古者失也晚有完素嗣以義烏損陽益陰墜離升坎廣溫中之味先寫下之法五分之熨奚施百灌之寒垂殆嗟乎春燠者生之徒秋凄者殺之令故楊泉有言道家尙冷醫家尙溫今輒反之使升明火化絕於君主之官洒浙陰淫客於奇恆之府懸方肘後安望延齡納斧胸中將無伐

性斯見偏者失也。王君仁者愛人，學焉先覺，自垂絳髮，厭窺中古之書，早悟華琳，似飲上池之水，若乃萬金良藥，九部奇經，審咬咀於毫釐，候樞闔於尺寸，經過濟北，便識才人，留滯交南，倘逢仙令，廣蛾眉之術，祿欲託嬰巢，拾長沙之仆漏，宣明孫絡，徵其治案，已驚掛匙之車，推其神工，應瘡援熊之夢，且復濡烟橘井，比事芝函，岐區復逆之詞，和緩春秋之策，意寡信史之傳，俞矯寓言之篇，以及歲稽凶失，周官之所殿，月爲千軸，梁皇之所嗤，靡弗收羅，於是法戒，品題備適，流別洞該者矣，猶恐末士庸受，攻乎異端，襲高陽之紕紛，昧河間之結滯，死如可作，疑懷躍冶之鳴，生不同時，尙有載金之悔，是則辯囿何窮，狂泉不竭，存其正論，實諸古人。

張舍人填熱河集序

昔嚴夫子有言，經有五涉，其四州有九游，其八猶以聽覽所及，不踰白阜之封，吟翰所被，未罄黃坤之城，亦有落梅聽馬，迢遙隴上之章，低草牛羊，敕勒軍中之句，鏡歌白鼻，樂府黃鑿，過青冢而怨琵琶，引白檀而思鼙鼓，莫不叩響風疏，聯辭雲委，然而悲笳九月，塞草前衰，橫笛三臺，關柳易折，寄之情長，感慨之興短，嗷殺之音多，藻績之詞少也，瘦銅舍人負沈宋之才，游常楊之職，紫荷奉棗，紅藥當階，曉趨丹屏，夕拜青瑣，直鸞闈而端牘，對雞樹而流唱，固嘗倚馬七紙，握蛇百篇，人誦程如之風，世傳蔚爾之文矣，熱河者，神明界局，地貳陪京，里其道路，既遠百郡之外，奠其邑居，仍當五都之勝，國家陋甘泉於漢氏，侈仁壽於隋年，以爲堯皇游豫，必作宮於成陽，周王考卜，亦朝步於豐水，每中郢履節，清明告風，乃瞻北顧，此焉

清暑時則舍人滿歲灌謁。往覲交闕。攷旦首塗。兼辰戒道。房雲在空。箕風動衣。天日姓晏。宇宙曠朗。仰矚宸居之麗。俯察區陬之廓。得不揄揚舞詠。舐和煙墨者乎。若乃層巘隱天。長波帶地。黃靈訪道之山。翠媿沈玉之渚。舍人極覽津委。旁綜載牒。微鮑邱之湮流。問濡水之故瀆。博望之槎萬里。探析崑源。太沖之賦三都。參稽方志。是則標囊一詠。卽注桑欽之經。墨林五言。可備闕駟之記。且夫指雲之斡。半柯自奇。衝霜之松。寸莖斯見。讀是編者。其可以知舍人之詩也已。

儀鄭堂文卷二

閨秀王采薇長離閣詩集序

昔靜女之三章。取彤管焉。被壽人于笙馨。非無都荔之詞。列緡宿于義娥。不廢葦杭之怨。葛山少婦。執越布以歌勞。柘館貞嬪。裂齊紈而歎逝。書之硯北。盡金屋之奇才。選入江東。卽玉臺之新詠。女子善懷。香奩尙已。則有通華胄望。淑慎閨儀。南國新人。東家舊姓。十三織素。二七裁衣。漱潤莖于瓜年。剡芳名于茗玉。長言婉婉。女師德象之篇。好句流連。吉甫清風之誦。前身蓮葉。不踐陳泥。他日椒花。必多新製。况復鴛鴦。左顧孔雀南飛。歸小婦之高堂。調弦錦瑟。識上頭之夫婿。絡轡青絲。鱸魚夕而共香。鏡照塵而同影。司空博物。本兒女之多情。內史工書。作夫人之弟子。斯又王郎天壤。愧此多能。居士桑榆。羨其嘉耦者也。若夫紅羅帳掩。朱鳥窗開。初成墮馬之妝。自服游龍之彩。繡餘茵茗。倦卽停鍼。製就茱萸。織常當戶。莫不語緣情。感與候遷。牙管一雙。金缸二等。雪凝謝苑。擬飛絮于風前。日出秦樓。歌條桑于陌上。至如雙聲讀曲。十案名題。陽羨新茶。袖書鬪罷。南安早栗。故事疏來。香沈水而郎歌。繭懸絲而妾和。西陵松柏。便結同心。北地焉支。彌增善睐。香囊叩叩。是繁掾之定情。雜珮珊珊。有鄭姬之警夜。笑止爲歡。玉女爭投百箭之驍。射雉珠臯。始見三年之笑。又如草生南浦。梅下西洲。贈子將離。呼卿小別。葦盞盈匊。指五日以爲期。蕭艾懷人。比三秋而更遠。遺簪紹繚。破鏡連環。書檢六張。文周四角。蘭成集上。曾裁寄婦之言。徐淑詩中。不少

望夫之什。亦或少君歸里。對挽鹿車。候光去吳。仍借鴻婦。漢水之平塗七百。江陵之遠道千三。春嶂青螺。來發雙娥之色。秋波白鷺。迴成九曲之珠。是則七邑東征。曹家善賦。百泉舟楫。衛女寫憂。抑亦詩發乎情。情生于文者與。然而蒼生江上。杏倚雲邊。未免牢愁。誰能理遣。重以諸姬適鄆。永歎肥泉。季姊歸鄆。先零弱歲。芝焚易感。蕙質何堪。幾日飛龍。祇愁藥店。數聲別鶴。忽上琴絲。簾座則榻冷琉璃。吟筆則牀空翡翠。左思嬌女。能無失母之悲。班固佳甥。應有問神之作。於是子荆改服。文度多傷。求故劍于箱篋。綴遺翰于鏡檻。紅桃麗字。遂書河北之箋。白蠟妍辭。徧識閨中之媛。而或者謂結璣有藥。弄玉疑仙。三髻雲鬟。蓬壺已隔。層波羅轆。洛浦仍逢。倘作異聞。傳諸好事。則綢繆贈答。將皆戴勝之瑤觴。宛轉聲音。盡入彩鸞之唐韻。宋魏小傳云。亡後託凡仙致寄外八絕。自言尸解仙去。居何利東宮。掌上界。韻書三百架。○采薇爲進士及第。翰林編修。今山東兗州曹濟道孫星衍之妻。

丁酉八月陶然亭宴集序

陶然亭者。都中士大夫比之周侯藉卉之地。右軍修禊之所。或逢美日。則重席相邀。將有遠行。則百壺出。祖僕至者屢矣。然其事無稱爾。若乃主人望重。新封燕頤之侯。賓客聲華。將應鯢溟之運。今日之會。是爲盛與。通政王公。被雍鷺之表儀。歷附蟬之清秩。昔九隆不諱。六士隄行。終童請甌越之櫻。介子奮樓蘭之志。高平第一。聚米成山。草奏盈千。以鞍爲几。入陪玉帳。出贊金鼓。會借箸以成勞。遂磨盾而書捷。嘉河西之記室。每問班彪。爲淮右之銘辭。無過韓愈。于是從軍詩出。盡識公孫。絕幕歸來。仍多掛客。粵以在丁之歲。中卯之辰。載酒來遊。朋舊式宴。斯時也。漢與廉孝之科。周上賢能之籍。澤雲西北。瑞我玉京。竹箭東南。

萃斯瑤席。蓋與會者五十餘人。而應試者居大半焉。他日一枝木桂。半鏡芙蓉。鮪洛同辭。豹文共蔚。則西園圖記。可當千佛之經。東塔聞聲。且續重陽之飲。庶幾賢主。以爲美談。

送同年洪員外朴督學湖北序

若夫兩重之旼。八尺之竹。雙囀稱妮。擁油碧以前行。三組垂腰。懷銀黃而載道。衆人以爲君榮。豈君之所自待者哉。方敦牂紀歲。呦鹿賓賢。君以右棘之資。奉南荆之使。校文數千。見士七十。籠中良藥。並貯蓓苔。座上佳材。咸歸竹箭。是則丹臺懸鏡。青睞爲衡。無偏無頗。必誠必信。君之所以自待。僕亦信于君者素已。雖然。仲由去魯。朋友乞言。士會遠秦。大夫贈策。素人適楚。僕宜有辭。古者論秀于鄉。設序于術。祈樂已入。齒餘子于下庠。緯未將興。坐父師于左塾。其後四科舉孝。百郡興廉。野行街室之彈。朝重端門之覆。故有弦歌瓠葉。飲射桑弧。令長乘驢。則山陰聚市。童年牧豕。則廬下聽經。莫不學有師承。範爲士則。三代以降。兩京稱盛焉。國家建立。校官分行。使者出疆。一命坐領百城。所以宏獎書林。整齊流尚。其寵彌至。其任彌重。今之學者。襲爲至易之技。工爲無用之言。以詩書作地芥之媒。比文章于芻狗之具。治禮記者。喪朋其簡。習春秋者。傳束之闕。至于四書之外。八比之餘。授本不通其讀。稱文罔識其訓。不信班史。乃傳韋賢。直謂鄆都。曾無王粲。雖若紫陽講舍。白鹿精廬。鄉老爲師。貴游受業。而教不原于經。言不則于古。漫云進士。賦孤竹而未知。亦有侍中。問移盞而莫對。又況十室之邑。一孔之生。目不接于耆儒。耳不聞于碩議。墨程積卷。茶首爲期。烏足語鄭賈之箋疏。董劉之經義也。將使儒書誦習。雅術脩明。遊青領于環林。化緇紳

于槃拜。穎川文學。能爲執俎之容。蜀郡茂才。解唱中和之樂。以至樵夫談道。幹吏佔經。戶讎廉隅。家知禮讓。然後六行之儒。以道得民。再適之選。以賢取貴。上不負天子樹人之意。下不失先師建善之風。其當於君有厚望也與。

爲朱榆園姊夫撰蓬萊縣知縣吳君人驥堂上雙

壽序

僕牧竟移轅。宅謁秉節。凡百令長。首識蓬萊。問靈禽于枳棘之栖。廉馴羽于中牟之界。牛刀作譽。溢我弦歌。魚釜來塵。表茲銅墨。條其政最。東齊之寮。突無雙。諫其宗華。西漢之治。平第一。每謂太中恭謹。生男著石相之祠。韋逞名通。有母善周官之學。賢如吳君。其必有自者也。乃知芝房九秀。並蔭靈根。松徑三條。相尋頽隱。雪川春澗。舊題南郭之廬。清滄冬溫。新築西豪之里。平生幕府。紅近池蓉。奏記文章。青餘鏤管。數名嚴挺。五侯重其標。棧歸傲景鸞。七部周其履。屐而況梁春。有耦萊春。相將夫人。本拯斛之賢。仲子尙辟。纊之義。筠籟記艸。屬安定之禮宗。荻障徵言。授王融之書學。是以君家養炬。此日龍衡。入洛市而槐垂。過河陽而花發。惠班隨子。卽述賦于東征。張孟遷階。方上壽于北第。三心五噶。丙丁之極。曜相輝。二首六身。甲子之朔。壽尙少。斯則瀛洲金粟。長生之藥。何窮。壺嶠芸蓬。扶老之枝。自長。僕今者杜陵男子。江湖長翁。已除故吏之嫌。曾附同官之雅。宜成醪白。願侑春觴。易縣泥青。媿留冬愛。晉卿善禱。周史贈言。汝墳一章。海隅千里。春花鶯亂。秋水鱸肥。岫桂招人。陔蘭戒養。有懷遠道。重霄望鳧鳥之飛。歸去鄉園。百歲介鳩筇。

之社。

書烏巖圖後

李畏吾舍人示廣森烏巖之圖而告曰。余隨牒中銓。須留上國。乾蔭既遠。離嗟彌構。輒復西風。菰菜相憶。巖居南陵。蘭艸有懷。烏哺圖所由名。吾聞其語。嗚呼。仕非爲貧。士各有志。或三日而中臺。有十年而東觀。傅丁方貴。朱丹嘲揚子之車。張甲能先。黃白滯王脩之治。而況彭侯馬廐。舊館賢人。丙相車茵。新嘆小吏。投光祿之版。恥執公儀。沃令尹之危。請辭侍飯。古人之事。則旣然已。舍人慕嗜退之風。乘樂潛之志。孰長伯而可客。非文開而何諧。同廣承露之吟。獨後景風之典。是以葡萄未遺。樹棘悲來。桑中之宦。三年。桃子之心。五化。斯圖也。其以平子應閒。夏侯抵疑。而寓問答于鉛黃。託家園于油素者乎。昔有誦辭家之什。解韋帶而情彩。捧府檄之文。入衡廬而色喜。亦有叔衷賣宮。籬下傳恭。巨孝推轂。傭中將母。不以三珪忘其負米。不以萬鍾易其啜菽者。舍人於此。必有所處也。他日北山之北。東海之東。賦就枯魚。兆成棲鶴。閉關墀軌。耕陌懷書。有棟依桑。無筵折芰。丈人安坐。豎子提壺。叔禁廳門。長文載箸。爲君歌曰。衣與繆與。不女聊與。事親養志。樂何求與。

書周長生先生畫像贊後

右明逸民徐枋所爲周長生先生像贊也。先生之孫屬廣森書以小篆。將鑄諸賜祠。廣森聞之。紀侯大去。春秋善九世之讎。豫郡先賢畫像觸百城之俗。是以屬參之行禁。則延閣府之也。訓品之範樹。則鑄金儀。

之也。昔明祚百六之衰。愆皇元二之會。薰胥柄國。推燥疇封。藏冰愆七月之時。飛雹沴正陽之氣。故御史忠毅公青規爭引白簡繩彈。以爲魯申勤雨。先遠郭都。易京陳災。唯歸石顯。貝瓊獨坐。恐危鐘下之儲。王聖交通。必豐壽房之兆。遂使銀瑤戴目。金版寒心。真嚴棘于南冠。讖飲章于北寺。火中鏃斧。生殘戴就之尸。殿上縑囊。死口杜根之目。先生奔扶棺絮。痛哭灰釘。免譴代郵。方連公負十三孤嗣。變名姓而當壚。廿首屯歌。遁閨門而賣餅。卒乃刺草伏闕。噓血書衣。君門九重。臣心一寸。認彼首惡。滌我沈冤。不惕于黑頭爰立之威。不奮于白水真人之賄。以視陳椽都亭之下。蘇卿芻廩之中。發憤枕戈。甘心推刃者。其所成就何如哉。然後需頭再奏。頓首申祈。公叔木之有言。清褒文字。吳溫舒之論枉。乞諡威侯。維時莊烈帝念忠毅公首排客魏。發履霜冰至之幾。禍較左楊。慘乘火泉寒之始。旌大名于讀誄。增軌級于書銘。雒邑弦歌。舊思王令。齊民叢社。詔祀樂公。今之賜祠所由立也。其後彤雲東聚。青蓋南浮。謳歌之運已歸虞。徵士之官仍繫晉。是則巨游相表。堪圖益都之閭。文德遺蹤。卽配宣明之食。緯曰。求忠臣必於孝子之門。斯其信與。興朝景翼蘿圖。不遷邾鼎。名者受几。才子褰裳。而在三之義彌敦。懷二之臣必斥。絲言資往。竹史昭來。嘉忠毅之敷猷。獨文章之禁忌。然則猶雲令主。不兵霍虎之辭。河濟頑民。且錫將軍之葬。潛德光于此日。圭爲永于其鄉矣。又況舊家帛素。異代丹青。鬢髮平生。冠裳不改。頌黃瓊之貌。作者中郎。寫延篤之形。附諸正則。墉垣烈士。似遊武氏之堂。軒牖前良。何必竟陵之室。後有觀者。可以興焉。

臣聞灑光舊制。遠記軒皇。追蠡遺規。近稽媼后。鏞棧名于爾雅。鐘鐃列于周官。所以示遐邇五三。不相沿襲。清濁十二。無相奪倫者焉。欽惟聖天子。金聲庠序。簫勺區陬。立律度之均。建中和之極。粵以屠維今歲。仲夏良辰。地符效靈。天苞闡瑞。南金之鑄。西江是呈。蓋寶棧之出晉京。豫章之獻宋室。方斯蔑如也。於是覽殷薦于易豫。採奏衍于詩那。練咸墨之良工。辨甬衡之正式。宮懸用備。闕里來頌。虞負龍趨。模流鯨發。銘環鸞鳳之字。篆雕蟲鳥之書。宏響函宮。細音穆羽。抗六律。極六呂。節八音。行八風。雖復楚殿九龍。上林千石。未足方其拮隔。喻此鏗甸者已。臣趨陪祭菜。與聽銷鳴。敢陳蠡測之詞。竊味莛撞之義。

林編脩誄

維乾隆丙申秋九月初六日。清故承德郎翰林編脩侯官林君卒。嗚呼哀哉。昔赤靈佐命。遠疏平棘之封。綠錯傳經。高議石渠之上。國乘光于領聞。家諜襲于綿世。父諱其茂。山陰縣知縣。桃街清禁。棠政流美。君以支子爲叔父嗣。禮也。小男彭祖。繼張侯之封。後子伏恭。世濟詩之學。君諱澍蕃。字子宜。羈貫夙成。岐嶷早異。馬客卿六歲。酬賓。黃子炎七齡對日。百畝垂蔭。擢潭根之初莖。九里被潤。導靈河之枝待。中學心聽。上智目成。稷嗣繫人。潁川涉獵。纒臺百氏之說。斧藻六朝之文。旣志勵緯蕭。亦藝勤緝柳。歲乙酉。鄉舉中式。辛卯成進士。廣森與同榜焉。君蓋逾方朔獻書之歲。僕初履叔皮著論之年。三齒以長。執敬雁行。六載同官。趨陪鷄序。因共朝夕。逮觀終始。君動爲善棟。禮用闕郵。四徹中繩。三雜若矩。言有壇字。而未嘗臧否于人。行有防表。而未嘗踈跂爲義。嗟乎。豈無有驚。謬謬者斯希。亦有五錐。銛銛者必挫。偶影難獨。衆和易

同亭伯階高日倒通侯之履君卿門小雨霑從者之衣而君恥彼造緇戒于奪赤翹材之館自絕芝帷修刺之家未餐蕙葉所謂招之不來麾之不去當求之于古人鮮遇之于今日者也甲午秋試奉詔爲浙江副考官一封軺傳八月輜軒回還儒臣誰□多士君提衡充望砥節首公竿牘不行苞苴無謁耕□游楚遺金必却正禮在梁餉錢爲怒是以陸賈南使□有千金之裝貢禹西征先賣百畝之產介性至已端操異已君室如懸磬家唯抵牾董少平之敵車揚子雲之儋石貧豈非病憂能傷人重以洗馬神清侍中體弱自分職三關典司四部編削既勤員程無曠心深力淺簪短帶長遂嬰戚于伊年卒沈緜于美疾三門九宅兼違築蓋之凶

林君寓宅于九宮法開經命門同年將考功嘗言之君不信也

五苦六辛莫覘劇易之效至于眠繭啓足之際屬統聽

息之辰清明在躬平度無改發言不及于先令內顧靡戀于妻子死生有命不其達歟然而少婦零青高堂戴白遺孤在腹難卜爲熊鮑女扶牀未占射雀中郎有炎雖家緒之可傳當戶生陵庶將軍之有後情瀾不竭遺恨終多溫序死而魂欲歸荀偃沒而目猶視嗚呼哀哉廣森與君居嘗連旋行亦離載志協壘篋言投水石三年之字未減于裏衷九言之贈猶存于巾篋而永辭官牒遽執鬼中瘞人亡而輟斤鍾子逝而息引寢門之哭于禮斯宜宿草之慟非子誰爲況君本羈孤柩將歸葬丹旛一去白雲千里寄縑二匹空慕于往哲過車三步有待于他年尤離合之殊感朋友之極艱也禮諡以易名諱以表行爵非有諡諱何作焉然文中貞節青簡有私諡之法孝若仲武黃門多述哀之詞敢援斯義而爲之諱曰

金繩北轉玉衡西遷小榆兆節長柳占愆芳薰委秀朗瑛摧墜嗟我良執值此周年嗚呼哀哉貧瘁爾躬

官勞爾心。南瞻孝永。北出憂深。偏枯倍劑。媿冥何斟。懷才怛化。膺志湮沈。嗚呼哀哉。美製華華。殊裁輟輟。一曙云亡。十典誰續。聽笛嵇鄰。鳴琴阮曲。纒杖含悲。空寮隕哭。嗚呼哀哉。牀塵鼠跡。庭絕驢鳴。誼親羊左。痛感鴛彭。仰念民母。旁瞻俊兄。魂歸閩海。形滯燕城。嗚呼哀哉。道布垂筵。問車在砌。京兆新阡。西州舊第。遺像窈冥。精靈髣髴。楚挽流聲。蘭交洵涕。嗚呼哀哉。存亡隔世。哀樂中年。孰愚而壽。或天而賢。天道如此。子復何言。于宜逝矣。逝矣于宜。嗚呼哀哉。

林氏子哀辭

子友林編。修亡後匝月。而其子永健生。生二十四日而夭。嗚呼。鄭小同之紹業。望絕今辰。南孺子之生男。悲深昔事。林君學成士範。行爲世表。不永其年。復替其後。天道無知。斯非信歟。方其室中飛練。門左張弧。庭角殊凡。覃訐載路。謂宜粉榆得銑。桑樹藏銀。辨楊梅于鞞佩之年。擬榛戟于瑠車之歲。豈謂民棺邊斂。金瓠同嗟。遼寡母于繼抱。從嚴君于泉穴。二句嬰鬼。未識軒渠。三日咳名。僮書赴告。悲夫。是子弱喪。誰還羸博之封。有女慙遺。空銘項伯之櫛。以是思哀。哀可知已。乃爲辭曰。

君何隔兮人世。長太息兮人事。旣永暎兮素交。復短折兮遺嗣。前悲兮未緝。後感兮仍集。層涕兮雀蘭。摧懷兮于邑。福兮禍所因。喜兮憂爲鄰。名鄭孫兮丁卯。癘潘子兮甲辰。嗟生命兮何促。曾未更兮晦朔。殤易月兮有盡。哀終古兮相續。轉絨兮委階。營魂兮弱骸。昨喧泣兮猶聞。今雍樹兮長乖。謂苗生兮不秀。謂蘭苗兮靡茂。石樓兮少女。空城兮寡婦。風泠泠兮襲帷。雪濛濛兮承露。曾積善兮非慶。終理冥冥兮不可窮。

呼三閭兮問九重。慟何爲兮萃爾躬。

爲己丑進士撰祭石顯菴處士文

仰惟萬石訓恭。五傳共睦。徂徠松柏。自開隱士之廬。京洛芙蓉。別有神仙之館。遂復承家楹社。運佐興期。衍胄瓜宗。世生俊彥。高陽表邑。四方式才子之門。德宿聯輝。百里見賢人之聚。先生岐嶷幼挺。趨蹌羣超。瓊照彩于崑林。竹浮筠于鄧植。孝言無間。友篤因心。白水澄懷。素絲練節。國爵全而屏貴。天真樂而遺榮。和嶠千丈之松。不足以喻其高。黃憲千頃之波。不足以方其度。九流兼洞。六籍旁該。讀科斗之書。已搜奇于楚簡。辨豹文之雅。應訪對于雲臺。以及六觚正律之方。五雀平衡之術。事關游藝。總制清衷。文握輒以立成。詩緣情而不靡。山中招隱。非無叢桂之篇。衡下棲遲。卽製河魴之句。重之芝蘭植砌。詩禮趨庭。三語藏機。晏大夫之家俗。一經勸學。韋丞相之遺詩。故能重奕揚聲。五長並秀。鷓鴣接翼。羔雁成羣者也。嗟乎。天不慙遺。善無積慶。賈占鵬鳥。鄭識龍蛇。巽籟冬嚴。珠彩晦少微之色。豐鐘霜急。金樞頽小華之峯。斯則梁木摧柯。因之涕隕。石棠留蔭。所以悲來。某等忝種新坡。空聞舊德。臨淮都養。遂莫與于談經。董相門人。終無期于識面。所冀素靈如在。鑒我椒漿。丹旆匪遙。願茲蕪謏云爾。

孫觀察淵如儀駕堂遺文序

往余在江淮間。友人汪容甫出韻軒檢討。駢體文相示。歎爲絕手。後數年。蘧軒從都門爲余亡妻作詩序見寄。故未相識也。識乙巳。余客中州。蘧君值隙軒以公事至。時秋風中丞愛禮賢士。嚴道甫侍讀。邵二雲閣校。洪雅存奉常皆在幕府。王方川編修亦出令來豫。極友朋愛字之樂。蘧軒美風儀。與之處。終日無鄙言。爲三禮及公羊春秋之學。或自道其所得。超悟絕人。又能作篆隸書。是時以適家多故。不食肉飲酒。卒卒無歡愉。未幾適廣陵東歸。越歲而凶問至矣。蘧軒年少入

官。謂顯華胃。一時爭與之友。然性恬淡。飲著述。妻足不與要人通謁。初以陳情歸養。不忍復出。及居大母與父喪。竟以哀毀卒。悲哉。聖人之後。一喪社谷。可天彌軒。微言幾絕矣。今代爲文。有公朝風格者。惟邵叔。其體文以達意明事爲主。不爾。則用之婚。既有集行世。願軒尤致力於此。嘗見其朝朱滄洲舍人書。暢論宗旨。略云。駢體文以達意明事爲主。不爾。則用之婚。既不可用之書札。用之銘誄。不可用之論辨。直爲無用之物。六朝文無非駢體。但縱橫固闕。又云。第一取音韻近古。任。徐。庾。三。家。必須熟讀。此外四體。卽當擇取。須避其平實之弊。至於玉牒。已不可宗尚。又云。第一取音韻近古。若文落花芝蓋。揚柳春柳一舉。若割却與共字。便成俗俚云。陳檢討句云。青谿之軌跡可尋。虞帝二妃。湘水之波調未歇。以爲未歇二字。耐人玩讀。今人必不能到。又云。不可用經典典故之詞。又不可雜制學文牽帶之句。云云。蓋其自釋于古人井期其明如此。今舍人情淡好學。豐所爲文。亦酷似其男。感遺傷。乃取向所寄文先刊以問世。且將續求全彙。余稍知釋軒者。故爲述刻文之由。并慰舍人南州之痛云。乾隆五十二年十一月。陽湖孫星衍撰。

朱中翰書撰儀鄒堂遺文跋

乾隆丙午冬。外大父喪歸自杭。將卜厥窆。十有一月。舅氏彌軒先生卒。春秋三十有五。嗚呼。袁公祖謝。當編南越之魂。羊子行吟。設阻蘭州之哭。僕焉得耗。誅愧無文。遂繼述以彌年。致愴于宿草。念鄉鄰千載。尤有傳人。悟遷史一隅。願百軼事。烟七篇之憂。朱氏所錄文僅七篇。儼存其圭臬。百行之札。猶置之懷袖。匪予小子。其誰測先生矣乎。先生諱廣森。字榮仲。別字頤軒。父諱繼汾。昔辭廣仕。謝甘泉之車。晚定道經。輯密山之訓。先生其第三子。衍聖公諱傳輝之孫也。通眉早異。秀骨特殊。偉初步于龍文。藝奇徵于麋飯。蓋珣珩之美。聖神之童。放古而準。厥聲傑矣焉。嘗受書于東原。極傳兩君子之門。壇宇影調。智力響赴。司農禮器。何操育育。萃案斷之專家。造儒林之絕學。紅休之略既通。錄錯之文咸究。至于方聞油膩。重差夕榮之章。宮體裁機。片石碑陵之譽。年十七。中戊子科舉人。辛卯成進士。官檢討。丁酉有許太夫人登。機斷而長悲。誓一抽而終法。堂禁烟鄉。志惟傳經。先生自此遠矣。方先生之在翰林也。英。英。如。雲。分。介。若。石。當。令。云。卷。其。德。隱。括。其。行。齋。宿。不。播。陰。隱。恐。樂。者。已。龍。蛇。之。館。看。眉。味。笑。怕。汗。丙。相。之。園。乃。能。寒。處。衡。廬。勞。嘆。叢。葉。良。所。云。卷。其。德。隱。括。其。行。齋。宿。不。播。陰。隱。恐。樂。者。已。龍。蛇。之。館。看。眉。味。笑。怕。汗。丙。相。之。園。真。幸。孫。之。勤。家。也。既。構。外。侮。孔。紳。蕭。瑟。總。雜。方。在。堂。室。平。反。靈。旗。迄。更。時。序。維。南。有。山。喬。陸。暫。從。窮。北。已。雪。庭。花。弗。榮。故。乃。湖。江。淮。走。河。洛。奉。版。輿。者。百。舍。貫。田。券。者。十。雙。兩。誦。衣。蓋。暴。日。旋。乾。夢。接。委。林。見。星。又。作。羸。體。善。病。清。神。易。傷。况。復。日。不。再。中。貫。窮。九。變。火。焚。莫。賊。山。有。玉。而。先。摧。霜。蕭。無。時。草。拔。心。而。亦。死。長。沙。之。舍。獨。感。亂。來。通。德。之。門。牛。塵。鼠。跡。此。勞。人。所。同。慨。尤。生。民。之。極。艱。誰。然。晝。夜。之。期。哲。人。所。同。感。海。運。之。度。上。土。所。不。疑。而。或。者。徒。以。命。不。副。才。官。濟。于。過。爲。斯。人。惜。抑。又。未。矣。昔。也。安。石。歸。山。關。元。在。宅。留。每。驗。月。坐。輒。忘。晷。綉。槩。玩。其。英。華。羸。抵。初。其。攻。諸。祇。以。青。瑤。佩。字。偏。笑。言。提。寶。樹。聯。聲。粗。語。體。要。人。琴。頓。絕。馬。策。空。歸。記。小。同。共。食。之。時。先。生。已。卒。有。子。從。中。郎。無。愧。之。作。

贊曰。桓桓雙岡。有此世家。其生也誠。蓬折于麻。白華歸亡。書爲我勳。葛藟詩存。莫之已庇。百行斯融。一經推則。以我濬翁。逮承臨沒。聽人久亡。奚而運斤。爵彼重泉。曰贊先民。乾隆歲在丁未。長至前十日。新安甥朱文翰謹撰。



嘉 穀 堂 集

孫 星 衍 撰

本館據岱南閣叢
書本排印初編各
叢書僅有此本

嘉穀堂集

尙書錯簡考

清 孫星衍撰

亳姑逸文

書序周公在豐將沒欲葬成周周公薨成王葬于畢告周公作亳姑

秋大執未穫天大雷電以風禾盡偃大木斯拔邦人大恐王與大夫盡弁以啓金縢之書乃得周公所
自以爲功代武王之說二公及王乃問諸史與百執事對曰信懿公命我勿敢言王執書以泣曰其勿
穆卜昔公勤勞王家惟予沖人弗及知今天動威以彰周公之德惟朕小子其新迎我國家禮亦宜之
玉出郊天乃雨反風禾則盡起二公命邦人凡大木所偃盡起而築之歲則大執金縢經文

周公在豐病將沒曰必葬我成周以明吾不敢離成王周公既卒成王亦讓葬周公於畢從文王以明
予小子不敢臣周公也周公卒後秋未穫暴風雷雨禾盡偃大木斯拔周國大恐成王與大夫朝服以
開金縢書王乃得周公所自以爲功代武王之說除廣曰一作簡二公及王乃問史百執事史百執事曰信有
昔周公命我勿敢言成王執書以泣曰自今後其無繆卜乎昔周公勤勞王家惟予沖人弗及知今天
動威以彰周公之德惟朕小子其迎我國家禮亦宜之王出郊天乃雨反風禾盡起二公命國人凡大

木所偃。盡起而築之。歲則大執。於是成王乃命魯得郊祭文王。史記魯世家

周公疾。曰。吾死。必葬於成周。示天下臣於成王也。周公死。天乃雷雨以風。禾盡偃。大木斯拔。國恐。王與

大夫開金縢之書。執書以泣。曰。周公勤勞王家。予幼人弗及知。乃不葬之於成周而葬之於畢。示天下

不敢臣。漢書梅福傳師古注引尙書大傳

周公死。成王不圖大禮。故天大雷雨。禾偃。木拔。及成王寤金縢之策。改周公之葬。尊以王禮。申命魯郊。

而天立復風雨。禾稼盡起。後漢書周舉傳引尙書洪範五行傳

按今金縢篇。自王亦未敢誚公已上。蓋金縢文。自秋大熟已下。據尙書大傳及史記。當爲亳姑逸文也。書序武王有疾。不豫。周公作金縢。在大誥。微子之命諸篇之前。史記魯世家于王亦未敢訓周公下。述營維邑還政之事。及作多士。毋逸。周官立政諸篇。其後乃稱周公在豐。及卒後暴風雷雨之事。明經文秋大熟已下。非金縢本文矣。序稱亳姑爲葬畢。告周公之事。正與大傳前文及史記合。是知告周公。卽告以悔悟尊禮之事也。後人或以其文有啓金縢之語。遂入其文于金縢篇中。事隔武王。成王及周公生死。中隔大誥。微子之命。歸禾。嘉禾。康誥。酒誥。梓材。召誥。洛誥。多士。無逸。君奭。成王征。將薄姑。多方。周官立政。賄息慎之命。凡十八篇。何得合而爲一。伏生見全書。所傳今文。知有周公死。天乃雷雨之事。司馬遷從孔安國問。故言亦如之。是古文與今文本相符合。特漢時錯簡已在金縢。後人不察耳。鄭康成傳書卽未能知之。故注秋大執云。秋謂周公出二年之後。明年秋也。與大傳及

史記皆違異。而梅福傳上書云。昔成王以諸侯禮葬周公。而皇天動威。雷風著災。是西漢人猶見此篇之文矣。

畢以田按尙書王出郊。天乃雨。反風出郊者。謂祭天子郊。以周公配之也。書序所云成王葬周公于畢。告周公作亳姑。卽其事。此經上文云。今天動威以彰周公之德。惟予小子其親迎。言親迎而祭之。迎迎尸也。惟郊是郊祭周公之事。故言我國家禮亦宜之。禮者。謂祭也。尙書大傳曰。乃不葬周公成周而葬于畢。尊以王禮。申明魯郊。據此而言。則魯之郊禘。由風雷之變始也。舊解不察此篇爲亳姑逸文之錯簡。乃以郊爲郊天。親迎爲生迎周公。不特我國家禮亦宜之句不可通。且周公居東。遠在千里之外。豈能迎于一日之內。以致反風之應乎。厥誼疏矣。

成王征疑義

書序成王東伐淮夷。遂踐奄。作成王征。

昔周成王初立。未離襁褓。周公旦負王以朝。卒定天下。及成王有病。甚殆。公且自揃其爪以沈於河。曰。王未有識。是旦執事。有罪殃。旦受其不詳。乃書而藏之記府。可謂信矣。及王能治國。有賊臣言周公旦欲爲亂久矣。王若不備。必有大事。王乃大怒。周公旦走而奔於楚。成王觀於記府。得周公旦沈書。乃流涕曰。孰謂周公旦欲爲亂乎。殺言之者而反周公旦。史記擊恬傳恬曰。

初成王少時病。周公乃自揃其蚤沈之河。以祝於神曰。王少未有識。好神命者。乃旦也。亦藏其策於府。

成王病有瘳。及成王用事。人或譖周公。周公奔楚。成王發府見周公禱書。乃泣。反周公。史記魯世家

按此文述自蒙恬。秦時猶見全書。不可爲傳聞之誤。疑爲成王征逸文也。據史記魯世家載此文于

周公還政成王之下。周本紀載伐淮夷踐奄于多士無佚。召公爲保。周公爲師之下。與書序合。則周

公被譖奔楚。在召公不說之後。成王踐奄之時。書文非置於此。無可附麗。又尙書大傳云。奄君薄姑

謂祿父曰。武王已死。成王幼。周公見疑矣。此百世之時也。請舉事。然後祿父及三監叛。奄君導之。祿

父遂與三監叛。周公以成王之命殺祿父。見詩正義是知導祿父叛者奄君。言周公欲爲亂者疑亦卽奄

君。周公因奄君而奔。成王因發書反周公而遂踐奄也。則爲此篇之文矣。然奄君導祿父之叛。是成

王幼時事。據周本紀及魯世家。其時誅管蔡與武庚。未誅奄君也。或周公歸政。奄君又譖公于成王。

是時成王長矣。故蒙恬述其言云。周公旦欲爲亂久。其文云。王能治國。史記述其文云。及成王用事。

明與導祿父之叛。非一時一事。而周公奔楚實在此時。非因管蔡流言而去。然則墨子耕柱篇云。周

公非關叔辭三公東處于商。其言實乃傳聞之誤。周公奔楚。商楚接境。其辭三公。則因奄君之譖。是

時管叔死久矣。然鄭注書序云。此伐淮夷與踐奄。是攝政三年。伐管蔡時事。其編著于此。未聞亦不

深察。史遷所見古文。合於書序而臆度之也。後儒或以周公揃蚤事爲穆卜之傳譌。及以成王反周

公爲在出郊反風之時。譖周以爲時人欲言金縢之事。失其本末。並疑此是金縢逸文。誤矣。

畢以田。又按尙書多士無逸二篇。其篇次當在多方之後。周官之前。知者按多方經云。維五月丁亥。

王來自奄。至于宗周。是述成王踐奄歸周之事也。下云誥爾四國多方。我惟大降爾命。言將訓誥汝也。多士經則云。昔朕來自奄。予大降爾四國民命。卽述多方篇訓誥之事也。蓋成王初征不服。歸于宗周。訓殷多方。故其言詳。及後將遷之于洛邑。命周公申前命。復訓誥之。故其言簡。經義具在。不可不察也。又史記魯世家云。賊臣譖周公于成王。周公奔楚。王殺言者。反周公。此蓋尙書成王征篇之遺文。述其踐奄之由者也。下云作多士。作亡逸。則二篇之文在踐奄之後。又可知其誤在前者。書序云。成周既成。遷殷頑民。作多士。蓋尙書出于孔壁。簡編錯亂。後人以召誥洛誥是營成周之事。此云成周既成。故以置于其下。而不知非也。史遷從安國同故編未亂其考書序所云。有連及之文。亦有追書之事。其連及者。如成王東伐淮夷。遂踐奄。作成王征。成王既踐奄。將遷其君于蒲姑。作將蒲姑。成王歸自奄。誥庶邦。作多方。此皆連及之文也。序又云。成王既黜殷命。滅淮夷。還歸在豐。作周官。周公作立政。蓋言前此成王除亂訓頑。未暇爲此。至此乃理治道。故追言黜殷命。滅淮夷也。成王既伐東夷。息慎來賀。作賄息慎之命。此因其來賀。而追言伐東夷也。茲云成周既成者。因將遷彼于成周。故追言之。非謂成周至此始成也。尤可據者。洛誥朕復子明辟。是周公反政之事也。而君奭序則云。召公爲保。周公爲師。相成王爲左右。卽因復子明辟言之。其文比附。意義可尋。後人不加審察。以多士無逸二篇。廁于君奭之前。紊其次第。非矣。又書序篇第。僞孔本與鄭氏亦有違異。可知當時未有定次。蓋各爲一簡。出于孔壁。而此二篇諸本皆誤。故辨之。

堯沂曹濟道廳壁記

國家設巡道以監郡。稱曰監司。或謂之觀察。秦時以御史監郡。此邦則有泗川監。名平者爲之。漢之刺史。則又持節。又有繡衣直指使。如明巡按。唐宋觀察使。以京職領外臺。俱非今比。先時巡道通章有道標。統弁兵。亦稱按察副使。亦稱僉事。今少易其制。然巡道出奉天子命。與鎮將分鎮。建牙鼓吹。儀同三品。食祿歲四千貫。堯沂曹濟道轄三府。一直隸州。三十二牧令。領河隄兼司驛傳水利。可謂任重矣。直隸州之轄。撤報刑名與守制同。餘則遇赴訴按章。而錢穀刑名兵備皆統領。曹單河隄百七十里。資保障焉。其賢者。或好小惠。取譽齊民。撓守令權。或矜小節。獨爲君子。致隔閡。其不賢者。則恃其明察。挾持守令。短長以爲利。或以上府去鎮遠。顛倒黑白。作威福。使者服膺儒教。少負鄉曲名。旣而以對策上第。荷天子拔除詞館。在比部七年。兩以不次之擢。至郎中。由上考簡授茲職。十年前。以諸生走楚走梁。走秦走晉。抵燕都。所見士大夫。所聞四方政令。竊心議其得失。或爲賢節鎮揖客。有所辦正。豈奉天子命來鎮此方。不恤處士虛聲之請哉。奎婁房心虛危之野。古之殷土。文章列曜之府。太昊女媧帝堯成湯之所葬。伊尹周公孔子之居在焉。故曰一變至道。使者何德而居民上。臨官吏。何修而免尸位之譏。隕越之懼。傳曰。信乎朋友獲乎上。又曰。敬其事而後其食。又曰。居敬而行簡。又曰。君子于民。仁而弗親。信至而守令不能達之情。可以通之於僚友。諍之於上府矣。敬至則尊臨卑。少率衆。守令吏民効指臂矣。簡至則我清靜而民自定。獄市不苦其擾矣。故使者或廉知姦猾。飭守令自治。不欲奪其名。使民各敬其長。或持是非不可奪。進退所部卒。

不以示威惠。或屈節以分謗。或違俗以守經。若轉移風俗。修明舊章。建立水利河渠。以行興利除弊之政。則又存乎其人也。其來也民不見德。其去也無過之聞。則謂之盡職乎。曰。特立獨行。建不世之功者。應變而後知之。聖天子在上。不愛矯矯之名。不墮冥冥之行可也。遂書之廳壁。以示來者。觀察領河隄使者孫星衍記。

天文辯惑論

學者疑天文深眇不敢談。於是。有以此欺世干祿者。後人不察。卒不能辯其非。其非者不足辯。其亂先聖古書之成法。君子不能無惡也。宋志載何承天曰。日之所在。雖不可見。月盈則蝕。必當其衝。以月推蝕。屢次可知。捨易而役心于難。臣所不解也。按日之出入。四時有定方。譬春分出卯入酉。夜視斗柄。卽知其時。卯酉值何宿。日在何次。灼然可見。何必以月推之。正所謂捨易從難也。承天又云。堯典曰。永星火。以正仲夏。今季夏則火中。又宵中星虛。以殷仲秋。今季秋則虛中。邇來二千七百餘年。以中星檢之。所差二十七度。則堯冬至日在須女十度左右也。按一月有上中下旬。承天知堯典所云仲夏爲上旬乎。中下旬乎。所謂今季夏火中。又何旬乎。一夕中星屢移。所謂以中句檢之而差者。以初昏中星檢之乎。或夜半乎。則堯冬至日在何宿。不可定也。善乎。唐王孝孫駁傅仁均云。月令仲冬。昏東壁中。若堯時差至壁。則堯前七千餘載。日應在東井。井極北。去人最近。故暑斗極南。去人最遠。故寒。寒暑易位。必不然也。而仁均反據僞尙書之允征折之。其不足信甚矣。此何承天欺人之學。與祖沖之所學同。至不信斗建。不足辯矣。然則唐

開元日度議云。常堯演紀之端在虛一度者妄也。日景千里而差一寸之說。出于考靈曜周髀靈憲及鄭氏注。周官當是三代已前相傳之法。而隋志云。何承天遙取陽城夏至一尺五寸。計陽城去交州萬里。而景實差一尺八寸二分。是六百里而差一寸也。後魏信都芳注周髀四術。謂金陵去洛南北略當千里。景差四寸。則二百五十里而差一寸也。按道路相去。迂回高下。有近而實遠。古人測量光景。計其直數。何可。以地里證驗。且古道里又短于今。大戴云。三百步而里。王制云。古者百畝。當今東田百四十六畝。三十步。鄭注云。古者百里。當今百二十五里。是漢時里數已羨于古。何況宋魏。不察今古異制。而妄營古人所謂方寸之木。高于岑樓也。唐志五星議。歲星云。姬氏出自靈威仰之精。受五行正氣。星主農祥。后稷馮焉。故周人常閱其穢祥。以觀善敗。尤爲臆說。按虞書言以閏月定四時成歲。歲之名。以歲星行一次。自有甲子以來。卽以歲星定歲。非至周人始定。又非以后稷馮之爲主農祥也。此唐人之惑也。唐一行之言云。近代諸儒言星土者。或以州。或以國。虞夏秦漢郡國廢置不同。周之興也。王畿千里。及其衰也。僅得河南七縣。今又天下一統。而直以鶉火爲國。分則疆場舛矣。初韓魏縣亘數州。相錯如繡。考雲漢山河之象。多生十餘宿。今同在畿甸之中。而或者猶據漢書地里志推之。是守甘石遺術而不知變通之數也。按分野之說。古既以列國疆域定之。後雖一統。列國疆域猶可考。知甘石分十二分野。張衡蔡邕以配漢郡縣。班固地理志。明言其時郡縣爲古列國之分。且天文星象亦有列國之名。不得云鶉火爲周分。卽疆域舛。又不得不據漢志甘石星經推知也。孔子云。莠之亂苗。若何承天。祖沖之。唐一行。呂才之言。天。袁準。顏師古之言。

古制張璠之議禮是爲莠矣。漢儒之學出于七十子。故其言有本足以傳信。唐人則欺人。宋人則自欺。天文尤其甚者。以亂吾經術。壞吾中法。故辯之。

江寧忠愍公祠堂記

先忠愍公爲明洪武時佐命功臣。勅賜葬衣冠于鍾山之陰。見先文介公手書舊譜。及明人外紀。而宋學士濂撰碑。以爲葬于濠州。或衣冠葬有二處。或太祖時哀忠愍公最深。又預勅陪陵耶。先揮使公諱繼達。及督僉公諱恭。俱以洪武時論。祭賜葬鍾山之陰。當附忠愍公冢。先勇愍公禦靖難兵死事。明季追謚。勅建表忠祠于金陵全節坊。三墓一祠。皆在江寧。吾家故居定遠。自揮使公以守禦常州功。賜第武進。子孫家焉。武進去江寧道遠。不能常舉祭掃之事。幾致遠祖祠墓湮沒。家大人及星衍官遊無定所。頃修家乘。始考知祠墓故迹。今方伯兄曰乘。蓋關外本支。適官江寧。因屬訪求。并置祠焉。以奉忠愍公。配以揮使公。及督僉公。勇愍公。廣其居。以爲子孫往來祭掃。及應試棲止之地。祠在江寧城中舊吳王府二條巷內。北通四象橋。南至針巷口。西至府門口。東至洞神宮。址方三畝。東南有閣三間。以奉祖像及木主。西有堂。堂北有樓。樓西南有園。有樹石池塘廊檻。有軒亭館舍。以爲子孫藏書讀書之處。園後有樓三間。以藏祭器。從人廬舍門堂庖瀾具焉。外近市而內爽垲。因程氏之故居。不侈不隘。不加緣飾。閣曰倚天。思英概也。樓曰銘彝。示子孫也。館曰芸香。守先烈也。堂曰問字。招益友也。軒曰嘉石。省治行也。亭曰鶴和。念糜祿也。廊曰接葉。聯本支也。池曰濯纓。愛清流也。凡藏彝器。商觚爵。驛。俎。自鬲。周爵。鬯尊。簠。彝。高鐘。戈。劍。車。軻。刀。布。

漢鐸、洗、鉤、鏡、名印、及宋元瓷、舊玉卮、雜物之屬皆藏焉。祭則陳之。凡藏書分部。有經學、有小學、有諸子、有天文、有地理、有醫學、有律學、有史學、有金石、有類書、有詞賦、有小說。凡藏碑自秦、漢、魏、六朝、唐、五代止。于宋、元時代年號以次分列。及漢、唐、宋、石經、宋、元、明人書畫之屬皆藏焉。子孫之好古者守之。餘則假觀而歸于祠。吾家自有大宗祠。在常郡西贏里。卽明時賜第。宗族之長且達者司其祭。又有文介專祠。及祀三代家祠。孫氏仕宦兩朝。爲將則効節。遇宋亡及明革除之際則不仕。在朝則建白。爲吏則有清白聲。故歷世不能以餘祿營家計。其在常郡諸祠。率皆儉陋。無所紛華。家大人及星衍官中外者久之。無壁立之處。誠念古人將營宮室宗廟爲先之訓。假貨拊當得千餘金。至是始置祠于江寧。將以妥忠魂。藏書籍。教子孫。後之流寓者毋忘首邱之義可也。忠愍公諱興祖。星衍十五世從祖。明洪武時以開國功官驍騎大將軍。都督北平。贈龍虎上將軍。推忠効節功臣。北平等處行中書省左丞。上護軍。封燕山侯。肖像功臣廟。位次第十八。世襲武德衛指揮使。予世券。事具明史列傳。揮使公諱繼達。忠愍公從子。星衍十四世祖。元至正時。率宗族義兵歸明太祖。積功授管軍總督。遷湖廣行省都鎮撫。以守常及克張土誠功。賜田宅。擢濠梁衛指揮使。終涼州都督同知。策命公女二連姻王府。督僉公諱恭。忠愍公從孫。星衍十三世從祖。亦以元時歸明太祖。取沂州密州。克益都。奉命守禦其地。洪武改元。遷青州左衛指揮僉事。宣武將軍。克元都。改永清左衛僉事。征大寧錦州上都。積功授廣威將軍。遷前軍都督僉事。授驍騎將軍。卒官。先勇愍公諱秦。揮使公子。星衍十三世從祖。襲涼州衛指揮僉事。洪武時追捕元兵。進秩明威將軍。僉涼州衛指揮使。

司統軍征山西大同。腦山等處。殺獲甚衆。遷前北平都指揮使。禦靖難兵。力戰死。惠宗震悼。贈廣威侯。立廟盧姑。墓在常郡。萬曆三年。勅死節諸臣方孝孺等一百十六人。同入金陵表忠祠。位次八十二。明季追贈象山伯。諡勇愍。

身度解

史記曰。身爲度。大戴禮王言篇曰。布指知寸。舒肘知尋。說文曰。周制。身寸尺咫尋常。仞諸度量。皆以人之體爲法。今度。人身各以指爲度。指廣一寸。布十指成尺。掌從如之。人長九。其掌長。伸臂如之。肘至腕尺有五寸。至肩二尺。足從一尺有五寸。並兩足十指廣尺。膝至足二尺有五寸。至股如之。人長九。其手足者。三三而成數。內經黃帝曰。人以九九制會。岐伯曰。三而成天。三而成地。三而成人。三而三之。合則爲九九。大戴禮易本命曰。天一地二人三。三三而九九。九九八十一。一主日。日數十。故人十月而生。故明堂之制。蓋橢圓象首。堂長方象並足。重屋八十一尺。象人立。基廣八十一尺。象人伸臂也。一者閭。故人長九尺有餘也。股已下五尺。股已上五尺。有一寸。屈伸從廣以十以五者。內經黃帝曰。其生五。其氣三。或十。或五。中央土成數也。周尺一尺。蓋漢建初尺之八寸。當今尺之五寸有餘。如人手之從廣也。說文則曰。周制以八寸爲尺。十尺爲丈。人長八尺。故曰丈夫。又曰。度人之兩臂爲尋。八尺也。又曰。仞。伸臂一尋。八尺。按人以指爲度。合周尺八寸。實長九尺。伸臂如之。而先儒以爲八尺者。蓋中人八尺。人長不過九尺。數之究也。或言古人長于今人者。非是。據考工記云。劍莖長五寸。常得古劍莖長。正容五指。知今不異古。如古人長。

廣則古劍莖何以容五指乎。故古云五尺之童。當今尺之二尺五寸。文王十尺。當今尺之五尺也。

李子法經序

李悝法經六篇。存唐律中。卽漢藝文志之李子三十二篇。在法家者。後人援其書入律令。故隋已後志經籍諸家不載。据唐六典注。稱魏文侯師李悝。集諸國刑書造法經六篇。一盜法。二賊法。三囚法。四捕法。五雜法。六具法。元王元亮注唐律疏議云。盜法今賊盜律。賊法今詐僞律。囚法今斷獄律。捕法今捕亡律。雜法今雜律。具法今名例律是也。今依其說錄爲法經六篇。按悝書以盜法在前者。罪舉其重。以具法在末者。古人撰述。率皆以序錄附本書後。是其例。自蕭何益戶興廢三篇爲九章。則具法在中篇。非原書次第之義。故魏晉時遂改具律爲刑名第一。後人又惡盜法多言不順之事。不欲置之首篇。復移其篇第如今律耳。法家之學。自周穆王作呂刑後。有春秋時刑書竹刑。及諸國刑典。未見傳書。惟此經爲最古。漢律則散見于說文漢書注。而全篇已亡。雖此六篇內有天尊佛像道士女冠僧尼諸文。爲後世加增。如神農本經之有郡縣名其篇。數經累代分合。亦不能復循漢志二十二篇之舊。然信爲三代古書。未火于秦。足資經證。不可誣也。古大臣之通達治體者。皆倚儒生以經義決疑獄。故董仲舒。鄭康成于法家之學。各有撰述。唐設律學博士。前明至國初。試士以判尾。亦欲其通解令甲格式。後以判文駢體。仕宦之由他途者。或不解。或不能爲。故侵尋廢之。近時則內自比部。外而牧令。以舉業起家。目不覩律令之文。到官後非爲吏所侮。卽牽制于幕下士。冤民幾無所控告。乃知蘇軾讀書不讀律之言。非莊論也。予權臬使時。欲奏請試

士增律議一篇。適以罷任未果。既而執政諸公。以予善法律。聞于朝。益不敢不循古書通世務。以爲引經斷獄之助。將以此書爲律學之權輿矣。

斗建中星論

中星隨斗建左旋。不因日纏而定何也。恆星附天體。天體無改移。而日行有贏縮。故歲差之說。可以測日月五星。而不可以定斗建中星也。斗杓在辰。故曰辰爲天綱。辰宮角亢二宿。故曰杓攜龍角。斗建之所在。卽角亢之所在。斗建移一辰。則角亢移一辰。二十八宿俱隨之而移。無少差忒。子午卯酉四正各三宿。餘皆二宿。此淮南圖格自古所傳。今仰視星度。亦四正之宿相去較近。始知古人不妄作也。或曰。斗不必正在天中。難以定建。不知斗體不正中。而杓建有定向。又玉衡北兩星爲玉繩。以之準瑤光所指。直如繩也。且視角亢所在。卽可知斗建可推。二十八宿。且晝按辰而數之。且知天岡所在。何況仰觀乎。或又疑天體渾圓。難以辯方位。不知地有定向。則天有定方。古者明堂宮垣。正方三百步。于中立宮以視中星。宅經所云。分中院爲二十四路。卽其法也。今以布十二幅畫十二辰。分三百六十五度四分度之一。張之正方。又立竿于中。長如張布之廣。作橫格于竿。爲度如之。人立正中。依竿而視星。則緯度經度。皆可得而定。中星在何度。可得而知。以此測星辰。較儀器爲便捷。古人必有此法。後世蓋故爲其難。不啻言斗建。將炫其獨得之長。以干祿耳。夫堯典夏正月。令及諸經學。非知天文。不能通解。天文有象可求。亦至易知。至易明。奈何世人憚言之。算法者。天文家一隅之學。西域不見先聖古書。徒得祖沖之已來歲差之說。以測日月食。

耳。古夏殷周魯歷本無推日月食法。故禮有諸侯旅見天子遇日食廢及葬以日食止柩之事。司馬法有月食班師之言。明不推測預知之。今人執此一長。謂法密于古人。可與言推步。不可與知天也。今依孝經緯淮南天文訓所言斗建指二十四氣。推之二十八宿。作表以示學者。表與月令昏中星悉符合。按中氣視之。亦可察今時中星與古不異。或二宿或三宿在一辰者。初昏至夜半中星屢移不止一宿在午。此表出而知前人以歲差測恆星之爲欺人之學矣。

斗建中星表

戌在箕尾	亥在心房氏	子在亢角	子指斗	至冬
	間之丑子	癸在亢角	癸指斗	寒小
亥在箕尾	子在心房氏	丑在亢角	丑指斗	寒大
	間之寅丑	艮在亢角	艮指斗	春立
子在箕尾	丑在心房氏	寅在亢角	寅指斗	水雨
	間之寅丑	甲在亢角	甲指斗	蟄驚
丑在箕尾	寅在心房氏	卯在亢角	卯指斗	分春
	間之辰卯	乙在亢角	乙指斗	明清
寅在箕尾	卯在心房氏	辰在亢角	辰指斗	雨穀
	間之巳辰	巽在亢角	巽指斗	夏立
卯在箕尾	辰在心房氏	巳在亢角	巳指斗	滿小
	間之午巳	丙在亢角	丙指斗	種芒
辰在箕尾	巳在心房氏	午在亢角	午指斗	至夏
	間之未午	丁在亢角	丁指斗	暑小
巳在箕尾	午在心房氏	未在亢角	未指斗	暑大
	間之申未	坤在亢角	坤指斗	秋立
午在箕尾	未在心房氏	申在亢角	申指斗	暑處
	間之酉申	庚在亢角	庚指斗	露白
未在箕尾	申在心房氏	酉在亢角	酉指斗	分秋
	間之戌酉	辛在亢角	辛指斗	露寒
申在箕尾	酉在心房氏	戌在亢角	戌指斗	降霜
	間之亥戌	乾在亢角	乾指斗	冬立
酉在箕尾	戌在心房氏	亥在亢角	亥指斗	雪小
	間之子亥	壬在亢角	壬指斗	雪大

卯在鬼井	辰在參芻	巳在畢昴胃	午在婁奎	未在璧室	申在危虛女	酉在牛斗
辰在鬼井	巳在參芻	午在畢昴胃	未在婁奎	申在璧室	酉在危虛女	戌在牛斗
巳在鬼井	午在參芻	未在畢昴胃	申在婁奎	酉在璧室	戌在危虛女	亥在牛斗
午在鬼井	未在參芻	申在畢昴胃	酉在婁奎	戌在璧室	亥在危虛女	子在牛斗
未在鬼井	申在參芻	酉在畢昴胃	戌在婁奎	亥在璧室	子在危虛女	丑在牛斗
申在鬼井	酉在參芻	戌在畢昴胃	亥在婁奎	子在璧室	丑在危虛女	寅在牛斗
酉在鬼井	戌在參芻	亥在畢昴胃	子在婁奎	丑在璧室	寅在危虛女	辰在牛斗
戌在鬼井	亥在參芻	子在畢昴胃	丑在婁奎	寅在璧室	卯在危虛女	卯在牛斗
亥在鬼井	子在參芻	丑在畢昴胃	寅在婁奎	卯在璧室	辰在危虛女	巳在牛斗
子在鬼井	丑在參芻	寅在畢昴胃	卯在婁奎	辰在璧室	巳在危虛女	午在牛斗
丑在鬼井	寅在參芻	卯在畢昴胃	辰在婁奎	巳在璧室	午在危虛女	未在牛斗
寅在鬼井	卯在參芻	辰在畢昴胃	巳在婁奎	午在璧室	未	申在牛斗

直隸總督胡雲坡宮保七十生辰序

嘉慶三年天子念畿輔首善之區。思得重臣出鎮。飭吏治以爲四方則。爰命太子少保刑部尙書胡公總督全省。以樞密吳卿爲方伯佐之。誠重外臺倚大臣也。宮保公既銜命馳莅新任。布德意。三月而政肅。五月而化行。吏治民風。蒸蒸日上。其年六月。爲公七十生辰。部下躋堂介壽。却勿欲當。公于星衍爲舉主。常以舊屬從公遊。又與公子同歲舉進士。時登公堂。知公一二。不敢不序其厓略。以爲公壽。公世受國重恩。數歷中外。其爲上倚任。若按章選舉。更定律例。諸大政。及公家庭孝友。若爲文良公請諡。爲兄嫂請贈典報恩。勤諸內行。載在史冊。傳于鄉黨。不具言。言公爲政之過人者有四。一在治家。公承文良公家學。居恆無戲豫。無疾言。違色。子弟定省。若饋食。必肅衣冠。慎容止。賓客次舍。有差等。僕隸甚謹畏。雖通下士。刺無倦容。堂上藏書萬卷。標識明白。燕客無紛華。而肴核必精潔。門戶開闔。有常時。公之治畿輔。如治家。則有倫有要。而百廢具舉矣。二在用人。公有知人明。不偏聽。不輕任。不棄才。或愛人。而知其所短。或責人。而用

丑在軫翼	寅在張星柳
寅在軫翼	卯在張星柳
卯在軫翼	辰在張星柳
辰在軫翼	巳在張星柳
巳在軫翼	午在張星柳
午在軫翼	未在張星柳
未在軫翼	申在張星柳
申在軫翼	酉在張星柳
酉在軫翼	戌在張星柳
戌在軫翼	亥在張星柳
亥在軫翼	子在張星柳
子在軫翼	丑在張星柳

其所長。試之小事。以觀人之所忽。故無僨事。參之他事。以驗人之至誠。故無敢欺。炫長者抑使循序。孱守者勵使急公。故舉措公而奔競息。所舉之士。受任至節。鎖次則方伯連帥。率能束修自好。有清勤聲。公用所部。如用比都。則官得其序。人不敢欺矣。三在好學。公晨起理案牘。至日餽退食。手執卷如儒生。每接士。虛衷問所知。撰任子錄。集諸史列傳。各爲論贊。以觀古今成敗得失。好杜氏通典。司馬溫公通鑑。故遇大事。有斷制。所至之處。興立學校。士悅服。以一謁爲榮。公飾吏治。以經術。則移風易俗。月異歲不同。異乎簿書期會。刀筆匡箴之政矣。四在敬事。公治事。雖纖悉皆手定。一例必審擇。一字必反覆。故持事者。至公前。皆謹小節。不致有大過。在比部十餘年。事萬端。無少叢睦。上至神明。有所記問。公對如流。政令前後。皆畫一。公領外臺。如領部務。則網在綱。而不紊。我清靜而自定。獄市不擾矣。星衍曩遊學。畢制軍幕府八年。服其度。或有所白。事見施行。以爲事無不可爲。及舉進士。釋褐爲詞臣。出座主朱石君王偉人師之門。而知有守。可以自立。至爲尙書郎。從公久。親見公行事。乃知謹細微。居處執事。盡恭敬。日慎一日。始欲然不自足。則星衍之得于公之成就者大。而公立身行政之苦心。方媿知之不盡也。遂書之以質諸知公者。并以侑壽觴云。

修建單父助順永寧侯廟碑銘

單父河隄有神廟。祀河道總督朱侯。土人號其神曰朱大王。並以名壩。嘉慶元年六月。觀察使者防河。曹單與康廉使偕視隄工。癸巳日晡。東南野霧起。驟風雨。行至朱王廟。有卒報。豐工決口。明日黎明。單汛

以河水挾雨壞隄告馳視則河壩水掣溜東西迸激隄根漫溢十餘丈河帥聞信從豫省指授防護機宜廉使越泥淖中度上游水勢原隄高下規築陂堰使者量地形計工役檄召官兵夫逾時並集曹州李守舟王通守毅鳩衆庀材徐丞光第曹縣孫令立方單縣孫令象坤高守備得元運稽縻昇畚鍤各委員晝夜巡工不避燥溼一夕而大堰成五日而圈隄成又五日而重隄東西堰悉成時荷神麻連日不雨水不復增得以浹旬藏功用財大凡三萬六千兩已而廉使擢方伯使者權臬事其冬天子疇咨豐工未塞河命河帥方伯往襄治明年正月功成加河帥太子太保賜方伯華翎是役也河帥方伯成兩省大功而今方伯與使者聞決河之信始自朱侯廟歷稽塞河功作藏事用財無此舉之速且省必神默告而佑成之先是朱侯廟建於乾隆丁巳歲周甲子而廟再興若天運使然其月天子適閱國史館所進朱督臣傳勅下河臣訪求廟祀若有神感事甚靈異不可不紀也侯諱之錫浙之義烏人順治三年翰林官至河道總督在官十年修守運河隄岸開董口新河復太行舊隄濬高郵道塞石香爐決口以勞卒官贈太子太保生平獎許士林喪歸濟上白衣冠送者萬人著寒香館河防疏略徐克淮揚傳以爲神著靈驗亦稱爲大王塑象廟祀乾隆四十五年公相阿公奏請特加位號勅封助順永寧侯今廟在壩上或曾於此捍災也夫侯生有立功死受異數既廟食於此意神之所以報國者在此舉所以默相河帥佑啓方伯使者已下有功而無過者殆非廟食之所可報也徐丞既建廟復建兩廂及別室以爲防河棲止之所乞序于余因書其事並爲迎神之歌曰神之來兮單父寧功成不日兮驅六丁沛澤決兮險既平帝賜福兮神之靈

西鄰淪祭兮惟德馨。又爲送神之歌曰。神之去兮在河滸。南豫東揚兮歷商魯。宜侯王兮帝嘉子。感神告兮避風雨。築宮祠祀兮千萬古。嘉慶二年歲在丁巳三月立石。

書阿文成公遺事

故公大學士阿文成公出師萬里。位極人臣。天子郊勞。雲臺畫象。豐功偉烈。載在史冊。無事宣述。星衍前官翰林及尙書郎。以上第上考受公知。從公游九年。窺公敬君敬事知人愛士之量。一二端。謹書于方。以識名臣言行焉。公承文勤公家教。進止溫恭。起居有常處。每朝先五鼓起。入禁廷。坐直房。待旦不假寐。諸曹史屏息。室內外如無人。召閣部直事官詢上折記閣本與歲時應舉掌故。及一日所折獄。備顧問。始入內朝。有覆奏。必親檢閱無誤字。乃進御。或上輦經直房。侍者下戶幃。公從室內起立垂手候。齒簿過。始復坐。常惡公牘繁冗。願令星衍卽坐隅刪之。稱意。因曰。例文如屋下架屋耳。值纂修歲。安得好手筆刪之。畫諾至恭慎。每署日稿尾。雖遇倉卒。運末筆如有力千鈞。議政持平。舉大禮。無私見。無拂人情。背經術。言不冒輕重法。探上意曰。上聖人也。儻意不在是。行之後。以爲比法。安得平耶。日舖退朝。門無私謁。泊如也。比部郎某與公議事不合。公嫌其慳直。已其卒。予特擢郎。有僮僕而勤政者。公舉任劇郡。及入覲。上亦曰。人果不可以貌取也。公嘗省人以所忽。不許人以炫長。故樂爲公用者衆。舉朝無奔競風。所薦舉中外官。蒙上柄用。皆有清正聲。其人或知或不知。公未嘗以機密言告于外。始星衍殿試時。公奉命讀卷。有警策中貳臣傳一語者。大學士彭公尙書紀公曰。此卷不入十本。吾當引故事特奏御。公見讀卷諸公且爭執。

起持星衍卷曰。吾亦賞其條對詳核。遂前列。及奏御。上拔置第一。以誤字改第二。稱此科得士。能讀書。公教習庶吉士。召星衍謂曰。吾以舉督部言。知汝學有根柢。當除名士氣。及星衍改官比部。偕同歲生馬履秦謁公。公止星衍等勿行。一足跪禮曰。吾爲郎官時。無此禮也。先是。中臺官謁長官。皆長揖。因親王領部。乃有加禮。俗相沿不能改。故公言之。又謂星衍曰。學成亦大難。勿以習律令廢舊業也。及星衍授監司。謁別公。公曰。外間風氣。非一人能變。亦勿以聲名身命隨人轉移。汝起家高第。能自愛。吾所知。餘無他言矣。公孫侍郎那查成。後入翰林。以公常稱道星衍。在京邸時。屢過從。考論文史。星衍別公。未三年而公薨于位。及官外臺。思公言歷歷。如有先識。今雖欲聞公教飭。不可得。徒揮泣記公遺事。以質之公孫。雖不賢識其小者。亦使後世知公爲國元老。建大功。又能以功名終而昌厥後。蓋有古名臣度量。而得于家學。及藉合于聖經者。至深醇也。

題陸朗夫中丞家信冊後

右陸朗夫中丞手書家信。子繩襄集。自中丞再起官山左。及新擢湖南巡撫時。所寄凡十三件。皆以清白訓其子孫。言不及私。切切以東方民力不支。杜絕虧空弊源爲念。冀幸挽回風氣。惜同志之甚稀。予讀之。不忍掩卷。况思手澤者。當何如感動耶。既與公子繩爲文字交。又自監司權臬事。至歷下。頗聞中丞遺事。一二中丞官方伯時。大吏某方以嚴刻網下賄遺。忌中丞廉恕。謂曰。屬員將不畏君。奈何。中丞答云。本司却不畏屬員也。已而以不官阿附去官。大吏敗。上以此稱中丞去就明決。起官于東。復與後大吏不相中。

故書中前所云寬厚和平與先不同者。旋卽言其面心和心遠。事事棘手。且以爲危機所伏矣。中丞廉潔自守。而不責於人。乃所遭輒不合。傳曰信則獲上。亦有信而見疑者。豈非芳蘭當門。古今同慨歟。司道職在整躬率屬。上不專制。下不親民。復有故亂其法者。欲孤立以行善政。蓋亦難已。然中丞卒爲賢節鎮。勅祀鄉賢。子繩又能好古多聞。世其家學。廉吏不可爲而可爲。又見于前事矣。袁子才太史金中書學詩爲中丞誌墓。于去就大節不一言。故子附記於此。嘉慶三年夏五月書。